



# KOMMUNE KUJALLEQ

POSTBOKS 514 · 3920 Qaqortoq

Tiguisissamut  
Kommune Kujallermut tuniniaasartunut

ULLOQ  
DATO

28-10-2022

J.NR.  
J.NR.

IMMIKKOORTORTAQARFIK  
FORVALTNING

Akiligassalinnut

ALL. NR.  
BREV NR.

## **Kalaallit Nunaanni pisortanut akiligassat**

Kalaallit Nunaanni kommunit aamma Namminersorlutik Oqartussat pisortanut akiligassanut tunngatillugu tamanut atuuttussamik piumasaqaateqalerput.

Piumasaqaatinik tamanut atuuttussanngortitsinermi Namminersorlutik Oqartussani kommuninilu akiligassanik akileeqqusissutinillu suliaqarnerup ajornannginnerulernissaa, kiisalu akiligassanut akileeqqusissutinullu pisortanut nassiunneqartunut tunngatillugu ilusissatut piumasaqaatit assigiimmik malinneqarnissaat qulakkeernissaa siunertaavoq.

Pisortat pisiortorfinut akiligassat sumut nassiunneqartarnissaat pillugu nalorninnginnissaat aamma siunertaavoq. Assersuutigalugu akiligassaasinnaavoq Narsami meeqquerivimmi Kommune Kujalliup ataaniittumut nassiussassaq, imaluunniit Namminersorlutik Oqartussani aalisarsinnaanermut akuersissutinut allaffeqarfiannut nassiussassaq.

Akiligassat OIOUBL formatiussapput, eqqortumik GLN-eqarlutik, immikkoortortap aqqa normualu allaqqassapput, kiisalu pisiassanik imaluunniit sullissinermik inniminniisup aqqa allaqqassasoq ataatsimoorussamik piumasaqaateqarfigineqalerput.

OIOUBL formati tassaavoq filitut formati assigiissaagaq, taannalu filformati kommunini Namminersorlutillu Oqartussani ataatsimoorussamik aningaasaqarnermik aqutsissutikkut toqqaannartumik ammarneqarsinnaavoq. Aqutsissummut allattuinermi kukkusoqarsimatillugu taassuma aqqittarpaa.

Allakkap naqqani OIOUBL-inik akiligassalerinermi iserfissaq ilitseruutitalik takuneqarsinnaavoq.

GLN tassaavoq GLOBAL LOCATION NUMBER, taavalu kisitsisit 13-it tulleriit, taakkuuppullu immikkoortortaqarfimmik/piniartarfimmik/sullitamik ilisarnaataasut. (GLN aamma EAN assigiipput).

Kalaallit Nunaanni pisortani immikkoortoqarfiit tamarmik immikkut GLN-eqarput. Kommunit immikkut nittartagaanni kiisalu Namminersorlutik Oqartussat nittartagaanni GLN-it atuuttut takuneqarsinnaapput.

Akiligassami GLN-ip eqqortup atornerarnerani, kiisalu OIOUBL formatiutikkaanni taava pisortani akiligassamik tiguisissap eqqortuunissaa qulakkeerneqassaaq. Matumani akiligassat arlaatigut eqqunngitsumik imaqaraluarpata sukkasuumik sukuiarneqarlutik aqqiivigineqarsinnaalissapput, taamatullu aamma akiligassanut piumasaqaatit isumaqatigiissutaareersut attanneqarnissaat aamma pitsaanerusumik ingerlalissallutik.

Kommunini Namminersorlutillu Oqartussanilu immikkoortortaqarfinni akiligassanik tiguisisoqartarpoq qarasaasianut akiligassanik tiguisisimanermut nalunaarsuisartunik, tamannalu akiligassat akilerneqarnissaannik pitsaanerusumik suliaqarnissap qulakkeerininnissarlu siunertariva.

Pisortani sulisut tamarmik ilisimatinneqarput inniminniinermi pisinermilu GLN, immikkoortortaqarfiup aqqa normualu kiisalu inniminniisup aqqa allanneqartassasut, tassa imaappoq inniminniisoqarpat, neqeroorusiortoqarpat allatsitsisoqarpalluunniit allanneqassapput.

Pisortanut tuniniaasunut sullissinernullu killeqartut, kiisalu formatimik piunasaqaatigineqartumut tunniussisinnaangitsut innersuunneqarput uunga:

[https://indberet.virk.dk/myndigheder/stat/ERST/NemHandel\\_Fakturablanket](https://indberet.virk.dk/myndigheder/stat/ERST/NemHandel_Fakturablanket)

Quppernermi matumani akiligassanik nassiussinissami ilitsersuut tamanit atorneqarsinnaavoq. Kommunitut tamanut Namminersorlutillu Oqartussanut akiligassanut tunngatillugu ataatsimoorussamik piunasaqaatit 2020-mi oktobarip aallaqqaataaniit nassiunneqartunut atuupput.

Imaappoq akiligassat eqqortumik GLN-ilerneqarsimangippata, immikkoortortaqrarfiup aqqanik normuanillu eqqortumik allassimangippata, kiisalu pisiassamik sullissinissamilluunniit inniminniisup aqqa allassimangippat sullinneqarnaviangilaq, tamatumalu malitsigisaanik aamma akiliisoqarnaviarani.

Akiligassat OIOUBL formatiunngitsut suliarineqarnerat arriinnerussapput, kiisalu eqqortumik GLN-ilerneqarsimangitsunut, immikkoortortaqrarfiup aqqanik normuanillu eqqortumik allassimangitsunut, aamma pisiamik sullissinermilluunniit inniminniisup aqqa eqqortumik allassimangitsunut piunasaqaatit atuupput, taamaamallu sullinneqassanngillat akilerneqaratillu.

Qarasaasiakkut akiliisitsisarnerup aqunneqarnera pillugu Inatsisartut inatsisaat nr. 50, 23. november 2017-imeersoq naapertorlugu atuutsinneqarput.

Inussiarnersumik inuulluaqqusilluta

Kommune Kujalleq  
Aningaasaqarnermut immikkoortortaqrarfiimi akiligassaleriffik  
Postboks 514  
3920 Qaqortoq

**Akiligassat tamarmik** Kommune Kujallermukartut nassiunneqassapput uunga: [faktura@kujalleq.gl](mailto:faktura@kujalleq.gl)

Akiligassat OIOUBL-iusut/qarasaasiakkut akiligassat pillugit ilitsersuutinut ilinkit:

[https://virksomhedsguiden.dk/erhvervsfremme/content/artikler/bogfoering\\_og\\_regnskab/fakturering/e-fakturering/](https://virksomhedsguiden.dk/erhvervsfremme/content/artikler/bogfoering_og_regnskab/fakturering/e-fakturering/)  
<https://erhvervsstyrelsen.dk/nemhandel-til-virksomheder>  
<https://hjaelp.virk.dk/wizards?wizard=423>